

Комсомолин XIII хург уктдж

Яшалтинск района, Ленинă нертă колхозин комсомольцнр болн багъчуд ВЛКСМ-н XIII хургиг чинртăгъяр, кѳдлмшин диилврмѳдър тосхар, 30-шаху комсомольциг малин халх кѳдлмшт илгăцхăв. Колхозин фермсър 100-гар багъчуд кѳдлджăцхăнă. Нидн джил эднăс кесгнь ѳбдăн ѳзмдж куццхăв. Саальч Раиса Чепкасова ѳкр болгънас 1800 литр ѳс саадж авб, гахач Мария Соседко гаха болгънас 17 кичгѳд ѳсгв, тугълчнр Изунова экч дѳ хойр бас сăн диилврмѳд бърцхăв.

Дѳрвдгч МТФ-н саальчнр соцѳрлдă келгънă эк татачнрнь болцхав. Эдн ѳкр болгънас 1600 литр ѳс саах болдж даалгъвр авцхав. Эннь 1957 джилинър болхла 500 литр ик. Эдн дунд баахн саальчнр Мария Припутнева,

Таиса Василенко, Евдокия Красова болн нань чигн.

Мал ѳсклгънă кѳдлмшиг механизировать кех даалгъвр колхоз авб. Ода деерăн ферм болгън дѳуджнь хаалгъта, 4-ч болн 5-ч фермс куццдăн электрическ герлтă.

Эдл-ахун кѳдлмшăс талдан, олна бăадлд бас багъчуд орлццхана. Ёлгѳрлхд, 4-ч фермин саальчнр „Ёснă гарц ягъдж ѳбдлѳлхмб?“ гидг темър умшачнрин конференц белдджăцхăнă. Энѳнд сăанър белдхин тѳлăд саальчнр селăнă эдл-ахун тускар литератур дасджацхана.

Кѳдлмшăсн сул цаган багъчуд сăанър олзлцхана. Ферм болгънд радио, патефон, музыкальн инструментс, шатр, дѳбв, дектрмѳд бăанă.

И. БАЗЮК.